



23 Oktober 2015
23 October 2015
P.U. (A) 253

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH BADAN-BADAN BERKANUN (TATATERTIB DAN SURCAJ) (PINDAAN JADUAL KEDUA) 2015

STATUTORY BODIES (DISCIPLINE AND SURCHARGE) (AMENDMENT OF SECOND SCHEDULE) ORDER 2015



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA BADAN-BADAN BERKANUN (TATATERTIB DAN SURCAJ) 2000

PERINTAH BADAN-BADAN BERKANUN (TATATERTIB DAN SURCAJ)
(PINDAAN JADUAL KEDUA) 2015

PADA menjalankan kuasa yang diberikan oleh subseksyen 23(1) Akta Badan-Badan Berkanun (Tatatertib dan Surcaj) 2000 [*Akta 605*], Perdana Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Badan-Badan Berkanun (Tatatertib dan Surcaj) (Pindaan Jadual Kedua) 2015**.

(2) Perintah ini disifatkan telah mula berkuat kuasa pada 1 Julai 2015.

Pindaan peraturan 43

2. Jadual Kedua Akta Badan-Badan Berkanun (Tatatertib dan Surcaj) 2000, yang disebut “Jadual ibu” dalam Perintah ini, dipinda dalam peraturan 43—

(a) dengan menggantikan perenggan 1(a) dengan perenggan yang berikut:

“(a) gaji itu hanya boleh diturunkan secara mendatar dalam peringkat gaji yang sama dalam jadual gaji pegawai;”

(b) dengan menggantikan subperaturan (5) dengan subperaturan yang berikut:

“(5) Bagi maksud perenggan (1)(b), “pergerakan gaji” adalah bersamaan amaun satu kenaikan gaji tahunan daripada gaji hakiki.”;

(c) dengan menggantikan subperaturan (6) dengan subperaturan yang berikut:

“(6) Hukuman turun gaji tidak terpakai ke atas pegawai yang berada di mata gaji minimum.”; dan

(d) dengan memasukkan selepas subperaturan (6) subperaturan yang berikut:

“(7) Sekiranya hukuman turun gaji yang dilaksanakan di bawah Perintah ini menyebabkan pegawai menerima gaji kurang daripada gaji minimum yang ditentukan bagi gred jawatan yang disandang oleh pegawai maka gaji pegawai hendaklah diturunkan setakat gaji minimum pegawai di gred jawatan disandang itu.”.

Pindaan peraturan 44

3. Jadual ibu dipinda dalam peraturan 44—

(a) dalam subperaturan (2) dengan menggantikan perenggan (a), (b) dan (c) dengan perenggan yang berikut:

“(a) tertakluk kepada perenggan (b) dan (c), gaji baharu pegawai hendaklah dikurangkan terlebih dahulu amaunnya sebanyak satu kenaikan gaji tahunan di gred sebelum turun pangkat dan jumlah itu hendaklah menjadi gaji bagi pegawai itu di gred turun pangkat;

(b) sekiranya gaji itu lebih tinggi daripada gaji maksimum di gred turun pangkat, gaji maksimum di gred turun pangkat itu hendaklah menjadi gaji pegawai itu di gred turun pangkat; atau

- (c) sekiranya gaji itu lebih rendah daripada gaji minimum di gred turun pangkat, gaji minimum di gred turun pangkat itu hendaklah menjadi gaji pegawai itu di gred turun pangkat.”; dan
- (b) dalam subperaturan (3) dengan memasukkan selepas perkataan “serentak” perkataan “dan perenggan (a), (b) dan (c) hendaklah terpakai mengikut mana-mana yang berkenaan”.

Pembatalan

4. Perintah Badan-Badan Berkanun (Tatatertib dan Surcaj) (Pindaan Jadual Kedua) 2011 [P.U. (A) 436/2011] adalah dibatalkan (selepas ini disebut sebagai “Perintah yang dibatalkan”).

Kecualian dan peralihan

5. Walau apa pun apa-apa jua yang terkandung dalam Perintah ini, pemakaian Perintah ini hendaklah tertakluk kepada keadaan yang berikut:

- (a) sekiranya apa-apa kesalahan dilakukan dari 1 Januari 2012 sehingga tarikh Perintah ini berkuat kuasa yang prosidingnya belum dimulakan atau yang prosidingnya telah dimulakan tetapi keputusan mengenainya belum diputuskan, hukuman turun pangkat yang dilaksanakan berdasarkan Perintah yang dibatalkan itu adalah sah tetapi gaji pegawai di gred turun pangkat itu hendaklah ditentukan berdasarkan Perintah ini;
- (b) sekiranya apa-apa kesalahan dilakukan dari 1 Januari 2012 sehingga tarikh Perintah ini berkuat kuasa dikenakan hukuman turun gaji dan dilaksanakan terhadap pegawai dalam Kumpulan Pengurusan Tertinggi berdasarkan Perintah yang dibatalkan, hukuman turun gaji yang dikenakan itu adalah sah dan hendaklah dilaksanakan berdasarkan Perintah yang dibatalkan;